

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ДОМ НАРОДА



Комисија за спољну и трговинску
политику, царине, саобраћај и
комуникације

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA

Комисија за ванјску и трговинску
политику, царине, саобраћај и комуникације
Повјеренство за ванјску и трговинску
политику, царине, промет и веze

Број: 02/2-50-8-23-19/22
Сарајево, 22. 2. 2022.

PREDSJEDAVAJUĆEM DOMA NARODA
PARLAMENTARNE SKUPŠTINE
BOSNE I HERCEGOVINE

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO


PRIMLJENO	2-02-2022		
Organizaciona jedinica	Klasifikaciona oznaka	Redni broj	Broj priloga
02-50-8	54-1	1	22

PREDMET: Izvještaj o radu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine za 2021. godinu, - dostavlja se,

Na osnovu člana 27. stav (2) Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 58/14, 88/15, 96/15 i 53/16), i u skladu sa Uputstvom o metodologiji izrade izvještaja o radu komisija Parlamentarne skupštine Bosne i Hercegovine (broj: 01,02-02-4-575-1/13 od 10.4. 2014.) u prilogu dostavljamo Izvještaj o radu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine za 2021. godinu.

Izvještaj je razmatran i usvojen na 19. sjednici Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine, održanoj 22. 2. 2022. godine.

S poštovanjem,



DOSTAVLJENO:

- naslovu
- a/a

Faint, illegible text covering the majority of the page, likely bleed-through from the reverse side.

2 3 4
1 2 3
4 5 6

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ДОМ НАРОДА**

Комисија за спољну и трговинску
политику, царине, саобраћај и
комуникације



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

Komisija za vanjsku i trgovinsku
politiku, carine, saobraćaj i komunikacije
Povjerenstvo za vanjsku i trgovinsku
politiku, carine, promet i veze

Број: 02/2-50-8-23-19/22

Сарајево, 22. 2. 2022.

**IZVJEŠTAJ O RADU
KOMISIJE ZA VANJSKU I TRGOVINSKU POLITIKU, CARINE,
SAOBRAĆAJ I KOMUNIKACIJE
DOMA NARODA
PARLAMENTARNE SKUPŠTINE BOSNE I HERCEGOVINE
ZA PERIOD OD 1. 1. DO 31. 12. 2021.**

Sarajevo, januar 2022.

Sadržaj

UVOD

POGLAVLJE I. Sjednice Komisije

ODJELJAK A. Statistički podaci o sjednicama

ODJELJAK B. Zakonodavne aktivnosti

ODJELJAK C. Međunarodni sporazumi

ODJELJAK D. Godišnji izvještaji

ODJELJAK E. Ostali izvještaji i informacije

ODJELJAK F. Zaključci Komisije

POGLAVLJE II. Ostale aktivnosti Komisije

ODJELJAK A. Međunarodne aktivnosti

POGLAVLJE III. Rezime

Prilozi

Tabela 1. Pregled sjednica Komisije s tačkama dnevnog reda i prisustvom, 1. 1 - 31. 12. 2021.

Tabela 2. Prisustvo sjednicama Komisije, 1. 1 - 31. 12. 2021.

Prilog 3: Međunarodni sporazumi

Na osnovu člana 27. stav (2) Poslovnika Doma naroda Parlamentarne skupštine Bosne i Hercegovine („Službeni glasnik BiH”, br. 58/14, 88/15, 96/15 i 53/16) i u skladu s Uputstvom o metodologiji izrade izvještaja o radu komisija Parlamentarne skupštine Bosne i Hercegovine (broj: 01,02-02-4-574-1/13 od 10. 4. 2014), Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine podnosi Domu naroda Parlamentarne skupštine Bosne i Hercegovine sljedeći

IZVJEŠTAJ O RADU

(za period od 1. 1. 2021. do 31. 12. 2021)

Uvodne napomene

Osnovni cilj rada Komisije u izvještajnom periodu bio je da osigura kvalitetnu pripremu rada Doma naroda i što bolje i efikasnije funkcioniranje Doma, a time i Parlamentarne skupštine BiH, provođenjem općih opredjeljenja određenih Ustavom BiH i Dejtonskim mirovnim sporazumom, te politikom koju su utvrdili Predsjedništvo BiH, Vijeće ministara BiH i Parlamentarna skupština BiH, kao i ulogom i zadacima Doma naroda Parlamentarne skupštine BiH.

U skladu s članom 40. Poslovnika Doma naroda Parlamentarne skupštine BiH, Komisija za vanjsku i trgovinsku politiku, carine, saobraćaj i komunikacije:

- prati vođenje vanjske politike koju su utvrdili Predsjedništvo BiH i Vijeće ministara BiH;
- razmatra pitanja saradnje BiH s Ujedinjenim narodima i međunarodnom zajednicom;
- razmatra pitanja međuparlamentarne saradnje s odgovarajućim komisijama parlamenata drugih zemalja;
- razmatra pitanja saradnje s Vijećem Evrope, Interparlamentarnom unijom, Centralnoevropskom inicijativom i Organizacijom za sigurnost i saradnju u Evropi, te drugim međunarodnim organizacijama;
- razmatra pitanja rada s institucijama BiH kompetentnim za pitanja vanjskih poslova i međunarodnih odnosa;
- razmatra aktivnosti stalnih ili privremenih delegacija Parlamentarne skupštine BiH u međuparlamentarnim institucijama;
- razmatra pitanja saglasnosti za ratificiranje međunarodnih ugovora, sporazuma i konvencija;
- razmatra pitanja otkazivanja međunarodnih ugovora, sporazuma i konvencija;
- razmatra pitanja koja se odnose na vanjskotrговinsku politiku;
- razmatra pitanja koja se odnose na sporazume o međunarodnoj trgovini;
- razmatra pitanja koja se odnose na carinsku politiku;
- razmatra pitanja koja se odnose na tarife, propise i zakone iz svoje oblasti;
- razmatra pitanja koja se odnose na međunarodne obaveze BiH;
- razmatra odnose s međunarodnim trgovinskim institucijama;

- razmatra pitanja koja se odnose na putne isprave;
- razmatra pitanja koja se odnose na boravak i kretanje stranaca;
- razmatra pitanja koja se odnose na uspostavljanje i funkcioniranje zajedničkih i međunarodnih komunikacija;
- razmatra pitanja koja se odnose na reguliranje međuentitetskog saobraćaja;
- razmatra pitanja koja se odnose na kontrolu zračnog saobraćaja;
- razmatra pitanja koja se odnose na kontrolu frekvencija;
- razmatra i druga pitanja iz oblasti međunarodnih i vanjskih poslova, vanjske trgovine, carina, saobraćaja i komunikacija.

POGLAVLJE I. SJEDNICE KOMISIJE

Odjeljak A. Statistički podaci o sjednicama

Kako je predviđeno Odjeljkom C. (Opće odredbe o komisijama Doma), članom 26. stav (2) Poslovnika Doma naroda Parlamentarne skupštine BiH: "Stalne komisije imaju šest članova, dok privremene komisije Doma mogu imati do šest članova. Komisije se popunjavaju srazmjerno klubovima naroda u Domu, od kojih su dvije trećine članova izabrani s teritorije Federacije BiH, a jedna trećina s teritorije Republike Srpske."

U skladu s tim, članovi Komisije za vanjsku i trgovinsku politiku, carine, saobraćaj i komunikacije Doma naroda su: Amir Fazlić, predsjedavajući, Marina Pendeš, prva zamjenica, i Dušanka Majkić, druga zamjenica predsjedavajućeg, Munib Jusufović, Zlatko Miletić i Mladen Bosić, članovi.

Sjednicu Komisije saziva predsjedavajući Komisije, u skladu s članom 30. Poslovnika, i to, u pravilu, pet dana prije održavanja sjednice, osim ako ne postoje opravdani razlozi za njeno sazivanje u kraćem vremenu.

Predsjedavajući Komisije, u saradnji sa sekretarom, organizira rad Komisije. Za svaku godinu priprema se radni plan, čiji su sadržaj i rokovi za realiziranje postavljeni okvirno, prema očekivanim aktivnostima na nivou Bosne i Hercegovine i prema potrebnoj koordinaciji s drugim tijelima nadležnim za vanjsku i trgovinsku politiku, carine, saobraćaj i komunikacije. Moguće je pomjerati rokove za razmatranje pitanja iz plana, zavisno od vremena dospijevanja materijala od nadležnih institucija, sa osnovnim ciljem da se materijali što kraće zadržavaju u Komisiji i u parlamentarnoj proceduri. Datumi održavanja svake sjednice, te prisustvo članova Komisije sjednicama mogu se vidjeti u tabelarnom prikazu (prilog).

Zavisno od dnevnog reda, odnosno broja materijala čije je razmatranje predviđeno za određenu sjednicu, određuje se i vrijeme trajanja sjednice. Treba napomenuti da se nikada tačno ne određuje trenutak završetka određene sjednice Komisije za vanjsku i trgovinsku politiku, carine, saobraćaj i komunikacije. Naime, uvijek se omogućava i ostavlja dovoljno vremena izvjestiocima, predlagačima i članovima Komisije da iskažu svoje mišljenje, stav ili postavu pitanje u vezi s materijalom o kojem se raspravlja.

Komisija je u izvještajnom periodu održala sedam sjednica:

- 12. sjednica	11. 1.	9 tačaka dnevnog reda
- 13. sjednica	9. 2.	9 tačaka dnevnog reda
- 14. sjednica	10. 3.	12 tačaka dnevnog reda
- 15. sjednica	7. 4.	7 tačaka dnevnog reda
- 16. sjednica	26. 4.	6 tačaka dnevnog reda
- 17. sjednica	26. 5.	7 tačaka dnevnog reda
- 18. sjednica	30. 6.	11 tačaka dnevnog reda

Na sjednicama Komisije u 2021. godini razmatrana je ukupno 61 tačka dnevnog reda, što je u prosjeku 9 tačaka po sjednici.

Komisiju u njenom radu opslužuje Ured sekretara Komisije. Opći i posebni poslovi koje obavlja Ured sekretara Komisije regulirani su čl. 21. i 29. Pravilnika o unutrašnjoj organizaciji i sistematizaciji radnih mjesta u Sekretarijatu Parlamentarne skupštine BiH. Aktivnosti na sjednici bilježi sekretar Komisije. U saradnji s predsjedavajućim, sekretar Komisije izrađuje zapisnik koji članovi Komisije usvajaju, u pravilu, na narednoj zakazanoj sjednici.

U Uredu sekretara zaposlena su dva državna službenika: sekretar Komisije Nenad Pandurević i stručna savjetnica Kristina Milošević.

Odjeljak B. Zakonodavne aktivnosti

U izvještajnom periodu od Vijeća ministara Bosne i Hercegovine i od ovlaštenih predlagača Komisiji nije dostavljen nijedan zakon na razmatranje.

Odjeljak C. Međunarodni sporazumi

U navedenom periodu razmatrano je ukupno 37 međunarodnih pravnih akata. Spisak razmatranih međunarodnih sporazuma je u prilogu ovog izvještaja.

Nadležna ministarstva blagovremeno su obavještavana o razmatranju sporazuma iz njihove nadležnosti i njihovi predstavnici su prisustvovali sjednicama Komisije.

Za sve međunarodne ugovore razmatrane na sjednicama Komisija je blagovremeno dostavila izvještaje Domu naroda s prijedlogom Komisije za davanje saglasnosti za ratifikaciju.

Odjeljak D. Godišnji izvještaji

U toku 2021. godine na sjednicama Komisije razmatrani su sljedeći izvještaji o aktivnostima institucija BiH koje spadaju u nadležnost Komisije, i to:

1. Izvještaji o radu i Finansijski izvještaji Agencije za poštanski saobraćaj Bosne i Hercegovine za 2020. godinu;
2. Izvještaj o radu Državne regulatorne komisije za električnu energiju u 2020. godini;
3. Izvještaj o radu Upravnog odbora Izvozno-kreditne agencije Bosne i Hercegovine za 2019. godinu;
4. Informacija o trenutnom stanju u Izvozno-kreditnoj agenciji BiH uzrokovanom blokadom glavnog transakcijskog računa;
5. Izvještaj o radu i poslovanju BHRT-a za 2020. godinu i Programski plan i Finansijski plan za 2021. godinu;
6. Prijedlog izvještaja o realizaciji Strateškog plana ruralnog razvoja BiH (2018-2021) – Okvirni dokument u 2018. godini.

Komisija je blagovremeno razmotrila sve dostavljene izvještaje, a Domu naroda dostavljena su mišljenja Komisije o svim navedenim izvještajima, u kojima je Komisija, između ostalog, davala i konkretne prijedloge zaključaka.

Odjeljak E. Ostali izvještaji i informacije

Osim izvještaja o radu institucija BiH, Komisija je u okviru svoje nadležnosti razmatrala i druge vrste informacija, dokumenata i inicijativa, od kojih izdvajamo samo najznačajnije:

1. Prijedlog izvještaja o radu Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2020. godinu;
2. Prijedlog orijentacionog plana rada Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2021. godinu;
3. Inicijativa delegata Denisa Bećirovića kojom se zadužuje Vijeće ministara da, u saradnji s entitetskim vladama, najkasnije u roku od tri mjeseca od dana usvajanja ove inicijative u Domu naroda Parlamentarne skupštine BiH, sačini i u parlamentarnu proceduru dostavi cjelovit prijedlog mjera efektivne zaštite domaće poljoprivredne proizvodnje u Bosni i Hercegovini;
4. Informacija rukovodioca Projekta „Tehnička podrška javnim medijskim servisima na Zapadnom Balkanu“ na zahtjev Komisije za vanjsku i trgovinsku politiku, carine, saobraćaj i komunikacije Doma naroda za dostavljanje informacija o projektu (broj: 02/2-05-1-1776/20 od 27. 11. 2020);
5. Dopis Vanjskotrgovinske komore Bosne i Hercegovine - Mišljenje na Nacrt pravilnika o CEMT dozvolama, broj: 02/2-50-18-1012/21 od 10. 5. 2021;

6. Dopis Vanjskotrgovinske komore Bosne i Hercegovine uz molbu za hitno reagiranje i djelovanje u vezi s Pravilnikom o određivanju javnih cesta po kojima se mora odvijati tranzitni promet vozila kroz Republiku Hrvatsku, a koji je utvrdilo Ministarstvo mora, prometa i infrastrukture Republike Hrvatske, objavljenim u Narodnim novinama br. 51/2021 od 12. 5. 2021, broj: 02/2-50-18-1071/21 od 21. 5. 2021;
7. Zahtjev Općine Bužim za izmjenu Pravilnika o određivanju javnih cesta po kojima se mora odvijati tranzitni promet teretnih vozila kroz Republiku Hrvatsku i hitno otvaranje GP Maljevac za tranzitni transport robe teretnim vozilima iznad 7 tona, broj: 02/2-50-18-1102/21 od 27. 5. 2021.

Nakon razmatranja na sjednicama Komisije, pripremljeni su i Kolegiju Doma naroda, odnosno Domu naroda (u zavisnosti od sadržaja materijala) dostavljeni izvještaji o stavovima Komisije za svaki od navedenih materijala.

Odjeljak F. Zaključci Komisije

Komisija je u izvještajnom periodu na sjednicama razmatrajući dostavljene materijale usvojila četiri zaključka.

- Na 13. sjednici, održanoj 9. 2. 2021, razmatrajući Godišnji izvještaj Izvozno-kreditne agencije BiH za 2019. godinu, te Informaciju o stanju u IGA-i usvojen je zaključak:

S ciljem zaštite imovine i građana Bosne i Hercegovine, traži se aktivno uključivanje pravobranilaštava u Bosni i Hercegovini u rješavanje aktuelnih sudskih procesa, te se od Tužilaštva BiH traži informacija u vezi s realizacijom zaključaka Doma naroda Parlamentarne skupštine BiH od 28. 9. 2017.

Ni Pravobranilaštvo ni Tužilaštvo BiH nisu dostavili nikakav odgovor po ovom zaključku.

- Na 16. sjednici, održanoj 26. 4. 2021, razmatrajući dostavljene međunarodne sporazume, usvojen je zaključak:

U vezi sa svim navedenim, Komisija je jednoglasno usvojila zaključak kojim od Sekretarijata Predsjedništva Bosne i Hercegovine zahtijeva da preduzme neophodne mjere kako bi se neusaglašenosti između popratnog akta i naziva međunarodnog sporazuma, kao i između naziva i sadržaja sporazuma na službnim jezicima u BiH, ubuduće u potpunosti otklonile.

Sekretarijat Predsjedništva BiH nije Komisiji dostavio nikakav odgovor.

- Na 17. sjednici, održanoj 26. 5. 2021, razmatrajući dopis Vanjskotrgovinske komore BiH u vezi s Nacrtom pravilnika o CEMT dozvolama, usvojen je zaključak:

Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH traži od Ministarstva komunikacija i prometa BiH da detaljno razmotri Mišljenje Vanjskotrgovinske komore BiH na Nacrt pravilnika o CEMT dozvolama, te da za sve prijedloge koje ne prihvati dâ argumentirano i detaljno obrazloženje i da ga, osim Vanjskotrgovinskoj komori, dostavi i Komisiji.

Ministarstvo komunikacija i prometa BiH nije dostavilo zvaničan odgovor na zaključak Komisije, a Pravilnik o CEMT dozvolama objavljen je u „Službenom glasniku BiH“, broj 46, od 27. 7. 2021. godine.

- Na 17. sjednici, održanoj 26. 5. 2021, razmatrajući Pravilnik o određivanju javnih cesta po kojima se mora odvijati tranzitni promet vozila kroz Republiku Hrvatsku, usvojen je zaključak:

Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH traži od Vijeća ministara BiH da posredstvom resornih nadležnih ministarstava i drugih institucija BiH hitno preduzme sve neophodne aktivnosti prema nadležnim institucijama Republike Hrvatske kako bi se problemi nastali donošenjem navedenog pravilnika što prije otklonili i time spriječile, odnosno umanjile štete po privredu Bosne i Hercegovine, te da o preduzetim mjerama obavijesti Vanjskotrgovinsku komoru BiH i Komisiju.

Vijeće ministara BiH je 4. 11. 2021. obavijestilo Komisiju da je problem odvijanja međunarodnog tranzitnog prometa kroz teritoriju Republike Hrvatske riješen.

POGLAVLJE II. OSTALE AKTIVNOSTI KOMISIJE

ODJELJAK A. Međunarodne aktivnosti

Veb-konferencija „Implementacija Ugovora o Energetskoj zajednici – Gdje stoji Bosna i Hercegovina?“, održana 26. 3. 2021.

Konferenciji „Implementacija Ugovora o Energetskoj zajednici – Gdje stoji Bosna i Hercegovina?“, na kojoj je od Sekretarijata Energetske zajednice prezentiran stepen realizacije Ugovora u Bosni i Hercegovini, održana je online 26. 3. 2021. U ime Komisije za vanjsku i trgovinsku politiku, carine, saobraćaj i komunikacije Doma naroda konferenciji su prisustvovali Munib Jusufović, član Komisije, te Nenad Pandurević, sekretar, i Kristina Milošević, stručna savjetnica u Komisiji. Ured sekretara Komisije proveo je sve pripremne aktivnosti.

Sastanak članova Komisije s pomoćnikom ministra vanjskih poslova za evropske poslove Arapske Republike Egipat, održan 30. 6. 2021. u Sarajevu

Predsjedavajući Komisije Amir Fazlić i prva zamjenica predsjedavajućeg Marina Pendeš održali su sastanak s pomoćnikom ministra vanjskih poslova za evropske poslove Arapske Republike Egipat Badrom Abdel-Atijem i ambasadorom Arapske Republike Egipat u BiH Nj. E. Yasserom Sorourom. Tema razgovora bilo je obilježavanje 25 godina uspostavljanja diplomatskih odnosa između Bosne i Hercegovine i Egipta, te razvoj bilateralnih odnosa i unapređenje međusobne saradnje dvije zemlje.

Sastanak Parlamentarnog plenuma Energetske zajednice, Beograd, 23. 11. 2021.

Sastanak Parlamentarnog plenuma Energetske zajednice održan je 23. 11. 2021. u Beogradu, u Narodnoj skupštini Republike Srbije. Iz Parlamentarne skupštine BiH sastanku su prisustvovali Marina Pendeš, delegatkinja u Domu naroda, i Snježana Novaković-Burša, poslanica u Predstavničkom domu, koje su ujedno i članice Parlamentarnog plenuma Energetske zajednice u ime Parlamentarne skupštine BiH. Također, sastanku je prisustvovao i Nenad Pandurević, sekretar Komisije za vanjsku i trgovinsku politiku, carine, saobraćaj i komunikacije Doma naroda. Ured sekretara Komisije obavio je sve pripremne aktivnosti te dostavio izvještaj o održanom sastanku.

POGLAVLJE III. R E Z I M E

Može se konstatirati da je Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH u 2021. godini blagovremeno realizirala sva zaduženja, odnosno razmotrila sve materijale iz svoje nadležnosti, kako bi pravovremeno mogli biti razmatrani u Domu naroda.

Rad Komisije u najvećoj mjeri zavisio je od materijala koje je dostavilo Vijeće ministara BiH, odnosno Predsjedništvo BiH.

Svi izvještaji, mišljenja i drugi akti iz nadležnosti Komisije blagovremeno su dostavljani predsjedavajućem Doma, odnosno Kolegiju Doma naroda na daljnji postupak.

Osim toga, članovi Komisije prisustvovali su i drugim sastancima i skupovima na kojima su razmatrane teme i pitanja iz nadležnosti Komisije.

Predsjedavajući Komisije



Prilog:

Tabela 1. Pregled sjednica Komisije s tačkama dnevnog reda i prisustvom,
1. 1 - 31. 12. 2021.

Broj i datum održavanja	Broj razmatranih tačaka	Prisustvo članova (%)
12. sjednica 11. 1. 2021.	9	100
13. sjednica 9. 2. 2021.	9	100
14. sjednica 10. 3. 2021.	12	83
15. sjednica 7. 4. 2021.	7	83
16. sjednica 26. 4. 2021.	6	83
17. sjednica 26. 5. 2021.	7	67
18. sjednica 30. 6. 2021.	11	83
Ukupan broj sjednica: 7	Ukupno tačaka: 61	Prosjek prisustva: 86%

Tabela 2. Prisustvo sjednicama Komisije, 1. 1 - 31. 12. 2021.

Sjednice/članovi	Amir Fazlić	Marina Pendeš	Dušanka Majkić	Munib Jusufović	Zlatko Miletić	Mladen Bosić	Ukupno
12. sjednica, 11. 1.	+	+	+	+	+	+	6
13. sjednica, 9. 2.	+	+	+	+	+	+	6
14. sjednica, 10. 3.	+	+	-(O)	+	+	+	5
15. sjednica, 7. 4.	+	-(O)	+	+	+	+	5
16. sjednica, 26. 4.	+	+	+	-(O)	+	+	5
17. sjednica, 26. 5.	+	+	+	-(O)	+	-(O)	4
18. sjednica, 30. 6.	+	+	+	-(O)	+	+	5
Ukupno	7/7	6/7	6/7	4/7	7/7	6/7	36/43
%	100	86	86	57	100	86	86

Legenda: (O) – Opravdano odsutan

Prilog 3. Međunarodni sporazumi

1. Sporazum o grantu između Bosne i Hercegovine i Evropske investicione banke, Zajednički evropski fond za Zapadni Balkan /WB-IG-02-BIH-TRA-06, „Mediterranski koridor C Ve: Bosna i Hercegovina – putna interkonekcija s Hrvatskom, poddionica I. Tarčin – Ivan“;
2. Ugovor o zajmu (GrCF2 W2 – Projekat energetske efikasnosti u javnim zgradama Sarajevo) između Bosne i Hercegovine i Evropske banke za obnovu i razvoj;
3. Ugovora o grantu (GrCF2 W2 – Projekat energetske efikasnosti u javnim zgradama Sarajevo) između Bosne i Hercegovine i Evropske banke za obnovu i razvoj koji se odnosi na investicioni grant iz Regionalnog programa energetske efikasnosti za Zapadni Balkan (REEP);
4. Sporazum o grantu i Amandman 7. na Ugovor o finansiranju od 27. 2. 2006. između KfW-a, Frankfurt na Majni (KfW), i Bosne i Hercegovine, koju predstavlja Vijeće ministara BiH (primalac), u iznosu od 5.000.000,00 eura za Projekat „Ublažavanje uticaja COVID-19 na mikro, mala i srednja preduzeća (MICMSME);
5. Nota sporazum o finansijskoj saradnji između Vijeća ministara Bosne i Hercegovine i Vlade Savezne Republike Njemačke za 2014. i 2015. godinu;
6. Sporazum o primjeni XI. dijela Konvencije Ujedinjenih naroda o pravu mora od 10. decembra 1982. godine;
7. Sporazum između Vijeća ministara Bosne i Hercegovine i Vlade Republike Srbije o izgradnji i uspostavljanju novog zajedničkog graničnog prijelaza na lokaciji Bratunac - Ljubovija;
8. Amandman na Montrealski protokol o supstancama koje oštećuju ozonski omotač (Amandman iz Kigalija);
9. Sporazum o finansiranju Državnog programa aktivnosti za 2019. godinu, između Evropske unije i Bosne i Hercegovine;
10. Memorandum o razumijevanju između Evropske unije i Bosne i Hercegovine - Makrofinansijska pomoć za Bosnu i Hercegovinu u iznosu do 250 miliona eura,;
11. Sporazum o kreditnoj liniji između Evropske unije i Bosne i Hercegovine- Makrofinansijska pomoć za Bosnu i Hercegovinu;
12. Ugovor o zajmu (GrCF2 W2 – Projekat javni prijevoz Sarajevo dio 3) između Bosne i Hercegovine i Evropske banke za obnovu i razvoj;
13. Ugovor o grantu (Projekat vodosnabdijevanja Gradačca) između Bosne i Hercegovine i Evropske banke za obnovu i razvoj;
14. Ugovor o zajmu (Kreditna linija broj 2 Agenciji za osiguranje depozita Bosne i Hercegovine) između Bosne i Hercegovine i Evropske banke za obnovu i razvoj;
15. Sporazum između Vijeća ministara Bosne i Hercegovine i Vlade Republike Hrvatske o održavanju i rekonstrukciji putnih mostova na državnoj granici;
16. Sporazum između Vijeća ministara Bosne i Hercegovine i Vlade Republike Srbije o održavanju i rekonstrukciji putnih međudržavnih mostova između Bosne i Hercegovine i Republike Srbije;
17. Sporazum između Vijeća ministara Bosne i Hercegovine i Vlade Ujedinjenog Kraljevstva Velike Britanije i Sjeverne Irske o međunarodnom drumskom prijevozu;
18. Sporazum o readmisiji između Vijeća ministara Bosne i Hercegovine i Vlade Islamske Republike Pakistan i Protokol između Ministarstva sigurnosti Bosne i Hercegovine i Ministarstva unutrašnjih poslova Islamske Republike Pakistan o provođenju

- Sporazuma o readmisiji između Vijeća ministara Bosne i Hercegovine i Vlade Islamske Republike Pakistan;
19. Sporazum o zajmu (Program integriranog razvoja koridora rijeka Save i Drine primjenom višefaznog programskog pristupa) između Bosne i Hercegovine i Međunarodne banke za obnovu i razvoj;
 20. Ugovora o finansiranju između Bosne i Hercegovine i Evropske investicione banke Koridor 5c „Medakovo-Poprikuše“;
 21. Amandman br. 2 na Ugovor o finansiranju između Bosne i Hercegovine i Evropske investicione banke - Distribucija električne energije u BiH/B (FI 83.108 - SERAPIS 2010-0562);
 22. Sporazum o finansiranju između Bosne i Hercegovine i Međunarodnog fonda za poljoprivredni razvoj (IFAD) za Projekat poljoprivrednog razvoja i ruralnih preduzeća (READP);
 23. Sporazum o finansiranju Programa aktivnosti prekogranične saradnje Bosna i Hercegovina – Crna Gora 2018-2020 za 2019. godinu;
 24. Izmjene Sporazuma o zajmu između Bosne i Hercegovine i Međunarodne banke za obnovu i razvoj;
 25. Amandman 2 na Sporazum o dodjeli bespovratnih sredstava za podršku državnom projektu stambenog zbrinjavanja između Razvojne banke Vijeća Evrope i Bosne i Hercegovine u vezi s Regionalnim stambenim programom;
 26. Prvi amandman na Sporazum o dodjeli bespovratnih sredstava između Razvojne banke Vijeća Evrope i Bosne i Hercegovine u vezi s Regionalnim programom stambenog zbrinjavanja i u vezi sa šestim potprojektom u okviru Projekta stambenog zbrinjavanja u Bosni i Hercegovini;
 27. Sporazum o zajmu (Projekat oporavka i podrške preduzećima/poslovnim subjektima) između Bosne i Hercegovine i Međunarodne banke za obnovu i razvoj (9183-BA);
 28. Ugovor o grantu (Projekat Koridor 5c2, poddionica Tunel Zenica – Donja Gračanica) između Bosne i Hercegovine i Evropske banke za obnovu i razvoj;
 29. Amandman broj 2 na Sporazum o grantu u okviru investicionog granta SIDA-e BiH Munic WatSan;
 30. Ugovor o grantu (Projekat Koridor 5c2, poddionica Buna - Počitelj) između Bosne i Hercegovine i Evropske banke za obnovu i razvoj;
 31. Sporazum o finansiranju Programa aktivnosti prekogranične saradnje Srbija - Bosna i Hercegovina za 2019. godinu;
 32. Ugovor o finansiranju između Bosne i Hercegovine i Evropske investicione banke, Projekat gradskog prijevoza u Sarajevu;
 33. Sporazum između Vijeća ministara Bosne i Hercegovine i Vlade Republike Turske o saradnji u infrastrukturnim i građevinskim projektima;
 34. Sporazum koji se odnosi na uzajamno priznavanje i zamjenu vozačkih dozvola između Vijeća ministara Bosne i Hercegovine i Vlade Republike Turske;
 35. Sporazum o prenošenju odgovornosti za pružanje usluga zračnog saobraćaja između Vijeća ministara Bosne i Hercegovine, Vlade Republike Srbije i Vlade Crne Gore;
 36. Sporazum o međunarodnoj naučnoj i tehničkoj saradnji u oblasti fizike visokih energija između Bosne i Hercegovine i Evropske organizacije za nuklearna istraživanja (CERN);
 37. Sporazum o vojno-finansijskoj saradnji između Vijeća ministara Bosne i Hercegovine i Vlade Republike Turske i Provedbeni protokol o finansijskoj pomoći između Vijeća ministara Bosne i Hercegovine i Vlade Republike Turske.

